

五嶽四瀆洞天福地主宰神仙三界十方一切真靈仗此寶香普同供養香乃玉華散彩九炁凝煙香雲密羅徑冲九天侍香金童傳言玉女與臣通奏上聞

帝前令臣所啓咸賜如言以今奉爲齋主某克卜今辰肅建玄壇招真命靈依科闡事恭願

上帝覃思慈尊錫慶念靈願動彩仗低回道炁百千萬重簇三華之仙馭屬車八十一乘離九炁之青天行幸靈壇圓成齋福諸天枝錄三界侍軒幽夜開光寒庭稟命香花散漫鐘磬和鳴班序齊周壇場羅列清衆運誠闡行法事

宣降真召靈符

步虛旋行至香案前

真靈感應天尊

宣建壇牒

高功長跪啓曰請赦

具位臣誠惶誠恐稽首頓首再拜上言臣聞天機密運於大元陰陽莫測帝渥昭敷於萬

有生死俱霑切惟艷域之幽深實司罪寬之考對冥冥長夜杳杳身非憑曲赦之慈悲曷俾沉愆之洗滌今齋主某幸因夙運獲際真乘功行未修痛父天之長往玄元可度殫心地以披誠乞準三洞隱書請頒青玄曆號

寶赦期超逝鬼獲難迷途伏念臣塵境凡材下愚濁質徒抱濟生度死之訣未明通幽達微之方抗志出塵何心應物既皈依之切切矜誠懇之依依恭按師傳請頒曲赦伏望青玄救苦太乙慈尊俯垂恩光特賜俞允救下

三官九府泉曲鄧庭嶽瀆河源城隍社令冥關幽路考校真曹咸令依準奉行庶得九地生春三途不夜雲開生而煙塞死慧日流輝

刀玉樹而劔齋林慈光普被陶鎔萬類化育群靈干冒

天威臣無任之至再拜謹言

太乙救苦天尊

出堂頌

靈寶領教濟度金書卷之九十九

靈寶領教濟度金書卷之一百 湯元

洞微高士開光救苦真人竊金真授

靈寶通玄私教水南先生林真真編

科儀立成品青玄教

單朝儀

燒香頌

各禮師存念如法

衛靈

五靈列位 煥鑪五方 始皇護寬 丹老衛形

皓靈侍鬼 黑帝攝生 中央黃帝 統御萬真

元皇誥下 幽夜開光 罪消北府 名列南昌

金籙定籍 玉宇除殃 朱陵鍊質 飛神大蒼

三官九府 无極神鄉 普受開度 上生天堂

和與道合具

鳴法鼓二十四通

無上三天玄元始三炁太上老君召出臣等

身中三五功曹左右官使者侍香金童傳言

散花玉女五帝直符直日香官各三十二人

出出者嚴裝關啓玄壇天帝神君當召此間

土地里域真官正神急上關啓臣今奉爲入

奉憲其諸情個具載狀文以今陞壇行道願得

東極青玄妙炁百寶光明下降流入臣等身中今臣所啓之誠速達徑御

東極青玄老君太乙救苦天尊運明保元上帝御前

請稱法位

具位臣某與臨壇官衆等謹同誠上啓

太上元極大道虛元自然元始天尊太上道

君太上老君東極青玄老君太乙救苦天尊

運明保元上帝十方應化救苦天尊九天生

神上帝三十二天上帝五靈五老上帝上清

十一曜星君三元三官大帝北極四聖真君

北極九府上真道君南辰六闕上真道君二

十八宿星君泰玄樞機三省諸相真君靈寶

五師真君九天諸司真君天曹諸司真君大

慈大悲救苦真人大慈大悲大惠真人妙行

真人法解真人太乙玄生府青玄黃錄院主

宰仙官黃籙九司仙靈九天普度院仙真靈

官三元三官九府主宰五嶽五帝真君五天

聖帝祖玄真師真人本派經籍度師真人北陰玄天鄧都大帝九壘十洞六宮九幽冥路主執神靈本州本縣城隍里域廟貌聖衆三界應感一切真靈巨闕蒼極開圖耀真風於經緯青華御運弘

聖日於玄黃上承龍漢之靈光下煥鴻鈞之梵炁巍巍惠澤儻十華而拔領無邊赫赫威靈燭九幽而提攜有造迹本非迹名豈常名惟彰寂感之機斯契潛昭之妙臣等玄元衍慶青府躋班樂煙霞而運雷震

聖恩浩渺會風雲而沐日月

帝澤涵濡誓彈弘道之忱庸佐宣仁之化凡有投告敢不上聞

宣詞

按如詞言備彈激切齋主某一心皈命百拜投詞念夜壑之幽寒莫開陰翳痛寒庭之峭極執駕陽靈銅關繚繞於業煙鐵壘周遭於毒霧一朝失足萬劫驚心悔過求生雖有自新之路雪寃度死執開捨舊之門仰長樂二府之雲睞而妙嚴九司之星列龍符煥曉張

慧炬於迷途風紉昭天鼓慈航於苦海實幽明之柱石乃今古之津梁爰潔靈場肅陳法席蘭蕙縹緲映七寶之騫林荀簾玲瓏耀九光之蓮座降雲輶於黃道輅電仗於霄衢道炁百千萬重中拱紫金之相屬車八十一乘

旁參白玉之輝威芒射而劔戟森森靈光運而虹霓奕奕萬真環拱千聖朝參為駐景於虛玄聽丹忱於哀素天人蒙慶家國咸休以今陞壇行道請法衆等運茲初檢上香願此香煙騰空徑上供養

无上至真道實臣等皈身皈神皈命首體投地仰依

太乙救苦天尊願以是功德上祝

宗桃先聖社稷尊靈伏願麟駉駕景鳳馭飛霄登瑤池而覲金仙遊神問道汎琅庭而陪

玉聖御炁朝元開

皇圖有道之長溥

聖澤無為之化銀潢流潤歌麟趾之振振瑤

曆輝華宴虎頭而侃侃今故燒香自皈依

師尊大聖衆至真之德得道之後保天長存

和與道合真

以今陞壇行道諸法衆等運茲二捨上香

願此香煙騰空徑上供養

无上至真經寶臣等皈身皈神皈命首體投

地仰依

太乙救苦天尊願以是功德歸流齋主某九

玄七祖億劫種親伏願業基雲散寬網天開

服寬裳而宴紫虛登真步武飲雲厨而登碧

落御景精神參入无出有之玄悟離妄登真

之妙祥開世澤衍瓜瓞之綿綿慶顯家聲蔭

松蘿之奕奕今故燒香自皈依

師尊大聖衆至真之德得道之後昇入無形

和與道合真

以今陞壇行道諸法衆等運茲三捨上香

願此香煙騰空徑上供養

无上至真師寶臣等皈身皈神皈命首體投

地仰依

太乙救苦天尊願以是功德歸流九幽滯爽

五道窮冤伏願積夜開光重泉破暗冰靜波

而火息燄十智俱指刀化樹而劔為壽六因

何有定水湛心花之耀業山燦性靈之明起

離黑單水不經於苦惱從容綠漢常可保於

歡欣今故燒香自皈依

師尊大聖衆至真之德得道之後長享自然

和與道合真

禮方 懺方

步虛

旋行躡雲網 乘虛步玄紀 吟咏帝一尊

百關自調理 俯命八海童 仰携高仙子

諸天散香花 蕭然靈風起 宿願定命根

故致標高擬 歡樂太上前 萬劫猶未始

又

嵯峨玄都山 十方宗皇一 峇峇天寶臺

光明耀流日 焯焯玉林華 精珠耀朱實

常念餐元精 鍊液固形質 金光散紫微

窈窕大乘逸

又

俯仰存太上 華景秀丹田 左顧提鸞儀

右盼携結璘 六度冠梵行 道德隨日新

宿命積福應 聞經若至親 天挺超世才

樂誦希微篇 冲虛太和炁 吐納流霞精

胎息靜百關 寥寥究三便 沉九洞明景

遂成金華仙 魔王敬受事 故能朝諸天

皆從齋戒起 累功結宿緣 飛行凌大虛

提携高上僊

三啓

樂法以為妻 愛經如珠玉 持戒制六情

念道遣所欲 澹泊正氣停 蕭然神靜默

天魔並敬護 世世享大福

又

鬱鬱家團盛 濟濟經道興 天人同其願

縹緲入大乘 因心立福田 靡靡法輪昇

七祖生天堂 我身白日騰

又

大道洞玄虛 有念無不契 鍊質入仙真

遂成金剛體 超度三界難 地獄五苦解

悉歸太上經 靜念稽首禮

三禮

臣等志心稽首禮

太上无極大道

臣等志心稽首禮

三十六部尊經

臣等志心稽首禮

玄中大法師

重稱法位

具位臣某與臨壇官眾等謹重誠上啓

太上元極大道虛元自然元始天尊太上道君太上老君東極青玄老君太乙救苦天尊運明保元上帝十方應化救苦天尊九天生神上帝三十二天度人上帝五靈五老上帝上清十一曜星君三元三官大帝北極四聖真君北極九府上真道君南辰六闕上真道君二十八宿星君泰玄樞機三省諸相真君靈寶五師真君九天諸司真君天曹諸司真君大慈大悲救苦真人大慈大悲大惠真人妙行真人法解真人太乙玄生府青玄黃籙院主宰仙官黃籙九司仙靈九天普度院仙真靈官三元三官九府主宰五嶽五帝真君五天聖帝祖玄真師真人本派經籍度師真人北陰玄天鄴都大帝九壘十洞六宮九幽

冥路主執神靈本州本縣城隍里杜廟貌聖眾三界應感一切真靈臣聞開生塞死神功昭東極之真返陰合陽聖澤過北鄴之密天寶泉涵濡於惠露空青枝飛洒於甘霖應念分身若沙塵而罔測尋聲御炁猶虛空而莫量妙哉願力之深弘至矣神功之廣大凡屬圍範悉賴陶鎔今齋主某仰慮亡故某世垢縈心俗塵滓性是非關煙迷萬劫漂浪罔知人我山霧障千尋派吹莫覺恣七情而違地理縱三毒以悖天文凌蔑綱常惟思鴻鵠將至廢置禮度莫知雞犬之當求致愆紀於玄曹而過書於黑簡三彭結釁二豎乘危覓鎖神鄉歲月回頭而幾闕鬼沈冤域音容轉睽以難窺沉六道之循環與三途之輪轉匪由捉拯曷遂超昇爰鋪設於玄壇庸既投於洪陰伏願鸞和應感御遙臨察蒼生具切之忱沛青極洪濛之澤救黃籙仙吏頒龍簡以羅數命黑鬱冥曹導鳳綸而煥耀智慧火焚其罪縛慈悲水滌其塵蹤夜光開光破幽闇而照燭專度曲度提冥路以超昇移籍東諸

鍊冤南府乘晨直上無拘留逼合之憂離夜橫飛有侍衛送迎之喜觀

天顏於青闕承

帝澤於丹墀永為種民常依道化蒙不遺於封菲當益登於藹蕤齋主某祥光映體瑞氣

盈門寇無犯於陰陽百神順令道聿扶於天地五炁朝元普庭戶以無災合公私而有慶

上願圓方儲粹河海開祥萬姓戴寧四夷賓伏動植被生生之德咸毓天和飛潛陶化化之機俱逃地禍物有晨陽之照鬼無夜哭之

悲冥路幽靈咸昇神於道域幽闕冥揆均進職於仙階則上明

天尊大慈之化下副臣等皈命之誠謹啓以聞

發願

發願

一願乾坤明素二願炁象清玄三願

聖君萬壽四願化洽八堦五願天垂甘露六

願地發祥煙七願四時應候八願萬物生全

九願家多孝悌十願國富才賢十一願齋功

廣被十二願善瑞日增

存神燒香

香官使者左右龍虎君侍香諸靈官當令臣行道之所自然生金液丹碧芝英百靈眾具交會在此香火爐前令臣學道得道求仙得仙齋主受福幽顯霑恩十方仙童玉女侍衛香煙傳臣向來所啓之誠速達徑御東極青玄老君太乙救苦天尊運明保元上帝御前

出堂頌

下壇

回靜默堂

謝師

向來

靈寶頌救濟度金書卷之一百

靈寶頌救濟度金書卷之二百一百二一百三同卷坐

洞微高士開光救苦真人寶金具授

靈寶通玄弘教水南先生林靈真編

科儀立成品明具齋

早朝行道儀

燒香頌

各禮師存念如法

衛靈呪

青陽虛映耀日回靈神虎辟邪飛天流鈴摧奸滅試萬魔東形九微回道八威攝精千真校錄三元蕩清左嘯中黃右策六丁七轉八合周旋天經聖化巍巍三道順行慶雲流布合景黃庭和與道合真

鳴法鼓二十四通

發爐生

無上三天玄元始三炁太上道君召出臣等身中三五功曹左右官使者侍香金童傳言散花玉女五帝直符直日香官各三十二人出出者嚴裝關啓玄壇天帝神君當召此間土地里域真官正神急上關啓臣今奉為入

齊意其諸情悃具載狀文以今早朝陞壇行道願得

王清道炁靈寶妙先下降流入臣等身中令臣所啓之誠速達徑御

太上元極大道至真玉皇上帝御前

請稱法位

具位奉行九幽玉匱明真大齋事小兆臣某與臨壇官眾等謹同誠上啓

虛无自然元始天尊无極大道太上道君太上老君高上玉皇十方已得道大聖眾至真諸君丈人三十二天帝君玉虛上帝玉帝大帝東華南極西靈北真玄都玉京金闕七寶瓊臺紫微上官靈寶至真明皇道君三十六部尊經玄中大法師上相上宰上保上傳太平下教二十四真人西城總真王君太乙具

人東嶽上卿司命茅君定錄保命二真人名山洞府得道神仙三界官屬一切真靈臣聞清微御混芒之運五劫流光赤明開溟滓之圖三乘布化煥萬天之慧日翳九地之仁風鳳篆龍章錯落十華而耀彩赤書玉字昭回